ما-زغ-راد-يكساضغ؟ 27

- سّاكمورغ-اس-ن تيوافكيو غ-ونتال-نس امژلاي، ربّی ا-یڭان تیفاوت-ینو ءولا انجّام-ینو. ما-زغ-راد-يكساضغ؟ اسيغ امارڅ ايريرغ ءي-ربٽي. ربّی ا-یڭان لبرج-ینو ءیحضو تودرت-ینو. سفلد-يّى ا-ربّي، هاتي غريغ-اك-ن. ما-را-يّي-يسّيود؟ واخّا-د-وشكان څار مدّن ا-يّي-هلكن، حنّو فلّا تعاونت-يّي. تنيّت-يّی ا-ربّی ‹‹اکمور-د تيسّانت-يّی.›› راد-عترن ضرن ءينوّاشن-ان. هاتي كيّي ا-س-ريغ ا-ن-اكمورغ ا-ربّي. د-واخّا-يّي-سوتلن ايت-يميغ ݣُوتنين، ا-ور-توورّيت تاڭّوڭت-ن زغ-ڭيڭي. ءور-را-ييكساض-وول-ينو. واخّا-د-كولّو-غلين س-ووزّال د-يمقلاد، هاتي كيّي ا-يڭان لعاوان-ينو. رتبي ا-س-ا-تزعامغ.
 - 4 ضالبغ زغ-ربّي غير يات-تغاوسا.
 غير نتّات اد-ريغ.
 ضالبغ-اس اد-زدغ غ-تكمّى-نس تامژلايت

كولو ما-راد-سولغ، لهوغ س-ما-ت-يرضان غ-يليغ ءيلا نتّان، ءيستانغ تاميمت-نس.

را-يتي-يحضو ربتي غ-دو-تدولي-نس غ-وزمز ن-تنوكموت. راد-بدّا-يّي-يستنتال غ-ونتال-نس ءيزڭان، ءيڭ-يّي-ن ف-وجاريف ياتّوين لّامان،

يالٌ ءيخف-ينو ف-ويلّي-يّي-سوتلنين. راد-تمجّادغ ربّي س-لفرح ءيڭّوتن،

ا-ور-يّى-تاڭُيت تبزڭت فلا تفلت-يّى. هاتي كتيي ا-يڭان انجّام-ينو. عيغ-يّي-اكّ-يفل بابا عولا عيمّي، 10 هاتي كتيي ا-رتبي را-تيي-بدّا-تيريت. مل-یی ا-ربی ما-کیکی-تقصادت، 11 تڭودت-ىيى بدا غ-وغاراس ياستوان، ار-يتى-تسينيفت ءي-ويلتى-يتى-تكرهونين. ا-ور-يتي-تفلت غ-وفوس ن-ينوّاشن لّى-فلّا-سّكيركيسنين ار-ڭيڭى-رڭّمن. ءومنغ ءيس-راد-ژرغ غ-تودرت ن-دونيت-اد 13 لباراكا ن-رتبي.

امر غيلاد غ-ربي، تسدوست عول-نك.

تكلت بدّا ف-ربّي.